

## ॥ मृत्युञ्जयहोम-मन्त्राः ॥

अपै॑तु मृत्यु॒रमृतं॑ न॒ आगन्वै॑वस्व॒तो नो॑ अ॒भयं॑ कृ॒णोतु॑ । पु॒र्ण  
वन॒स्पतै॑रिवा॒भिः शी॑यता॒ र॒यिः सच॑तां नः शची॒पतिः॑ ॥ १ ॥

मृत्यु॒र्नश्य॑त्वायुर्वर्धता॒ स्वाहा॑ । मृत्य॒व इदं॑ न मम ॥

परं॑ मृत्यो॒ अनु॒ परे॑हि पन्थां॒ यस्ते॒ स्व इत॑रो देव॒याना॑त् ।  
चक्षु॑ष्मते शृण्व॒ते ते॑ ब्रवीमि॒ मा नः॑ प्र॒जा री॑रिषो॒ मोत॑  
वी॒रान् ॥ २ ॥

मृत्यु॒र्नश्य॑त्वायुर्वर्धता॒ स्वाहा॑ । मृत्य॒व इदं॑ न मम ॥

वातं॑ प्रा॒णं मन॑साऽन्वा र॒भामहे॑ प्र॒जाप॑तिं यो भुव॑नस्य  
गो॒पाः । स नो॑ मृत्यो॒स्त्राय॑तां पा॒त्व हंसो॑ ज्यो॒ग्जीवा॑  
ज॒राम॑शीमहि ॥ ३ ॥

मृत्यु॒र्नश्य॑त्वायुर्वर्धता॒ स्वाहा॑ । मृत्य॒व इदं॑ न मम ॥

अ॒मुत्र॒ भूया॑दध॒ यद्य॑मस्य॒ बृह॑स्पते अ॒भि॒शस्ते॑रमु॒ञ्चः ।  
प्रत्यो॑हताम॒श्विना॑ मृत्युम॒स्माद्दे॒वाना॑म॒ग्ने भि॒षजा॒ शची॑भिः ॥ ४ ॥

मृत्यु॒र्नश्य॑त्वायुर्वर्धता॒ स्वाहा॑ । बृह॑स्पतये अ॒श्विभ्या॑म् अ॒ग्नये॑  
च॒ इदं॑ न मम ॥

हरि॑ र॒ हर॑न्तमनु॒यन्ति॑ दे॒वा वि॒श्वस्ये॑शानं वृष॒भं म॑तीनाम् ।  
ब्रह्म॑ स॒रूप॑मनु॒मे॒दमा॑गादय॒नं मा वि॒व॒धीर्वि॒क्रम॑स्व ॥ ५ ॥

मृत्यु॒र्नश्य॑त्वायुर्वर्धता॒ स्वाहा॑ । ब्रह्म॑ण इदं॑ न मम ॥

शल्कै॑र॒ग्निमि॑न्धा॒न उ॒भौ लो॒कौ स॑नेम॒हम् । उ॒भयो॑र्लो॒कयो॑र॒-

ऋध्वाऽति मृत्युं तंराम्यहम्॥६॥

मृत्युर्नश्यत्वायुर्वर्धताः॥ स्वाहा॥ मृत्यव इदं न मम॥  
मा छिदो मृत्यो मा वधीर्मा मे बलं विवृहो मा प्रमोषीः। प्रजां  
मा मे रीरिष आयुरुग्र नृचक्षसं त्वा हविषा विधेम॥७॥

मृत्युर्नश्यत्वायुर्वर्धताः॥ स्वाहा॥ मृत्यव इदं न मम॥  
मा नो महान्तमुत मा नो अर्भकं मा न उक्षन्तमुत मा न  
उक्षितम्। मा नो वधीः पितरं मोत मातरं प्रिया मा नस्तनुवो  
रुद्र रीरिषः॥८॥

मृत्युर्नश्यत्वायुर्वर्धताः॥ स्वाहा॥ रुद्राय इदं न मम॥ [अप  
उपस्पृश्य।]

मा नस्तोके तनये मा न आयुषि मा नो गोषु मा नो अश्वेषु  
रीरिषः। वीरान्मा नो रुद्र भामितो वधीर्हविष्मन्तो नमसा  
विधेम ते॥९॥

मृत्युर्नश्यत्वायुर्वर्धताः॥ स्वाहा॥ रुद्राय इदं न मम॥ [अप  
उपस्पृश्य।]

प्रजापते न त्वदेतान्यन्यो विश्वां जातानि परिता बभूव।  
यत्कांमास्ते जुहुमस्तन्नो अस्तु वयं स्याम पतयो  
रयीणाम्॥१०॥

मृत्युर्नश्यत्वायुर्वर्धताः॥ स्वाहा॥ प्रजापतय इदं न मम॥  
यत इन्द्र भयामहे ततो नो अभयं कृधि। मघवन्छुग्धि तव  
तन्न ऊतये विद्विषो विमृधो जहि॥११॥

मृत्युर्नश्यत्वायुर्वर्धताः॑ स्वाहा॥ इन्द्राय मघवत इदं न मम॥  
स्वस्ति॒दा वि॒शस्पतिर्वृ॒त्रहा वि॒मृधो॑ व॒शी। वृ॒षेन्द्रः॑ पु॒र ए॑तु नः  
स्वस्ति॒दा अ॒भय॑ङ्करः॥१२॥

मृत्युर्नश्यत्वायुर्वर्धताः॑ स्वाहा॥ इन्द्राय अभयङ्कराय इदं न मम॥

त्र्य॒म्बकं॑ य॒जामहे॑ सु॒गन्धिं॑ पु॒ष्टि॒वर्ध॑नम्। उ॒र्वारु॒कमि॑व  
बन्ध॑नान्मृत्योर्मु॒क्षीय॑ माऽमृता॑त्॥१३॥

मृत्युर्नश्यत्वायुर्वर्धताः॑ स्वाहा॥ त्र्यम्बकाय इदं न मम॥  
अप॑मृत्युमप॒क्षुध॑म्। अपे॒तः श॒पथं॑ जहि। अधो॑ नो अ॒ग्र  
आव॑ह। रा॒यस्पोष॑ सह॒स्रिण॑म्॥१४॥

मृत्युर्नश्यत्वायुर्वर्धताः॑ स्वाहा॥ मृत्यव इदं न मम॥  
ये ते॑ स॒हस्र॑म॒युतं॑ पाशाः॥ मृत्यो॑ म॒र्त्याय॑ ह॒न्त॑वे। तान् य॒ज्ञस्य॑  
मा॒यया॑। सर्वा॒नवे॑यजामहे॥१५॥

मृत्युर्नश्यत्वायुर्वर्धताः॑ स्वाहा॥ मृत्यव इदं न मम॥  
जा॒तवे॑दसे सु॒नवाम् सोमं॑ म॒राती॑यतो निद॑हाति वेदः। स नः॑  
पर्ष॑दति दु॒र्गाणि॑ वि॒श्वा ना॒वेव॑ सि॒न्धुं दुरि॑ताऽत्य॒ग्निः॥१६॥

मृत्युर्नश्यत्वायुर्वर्धताः॑ स्वाहा॥ अ॒ग्नये॑ जा॒तवे॑दस इदं न मम॥

भूर्भुवः॑ स्वः। ओजो॑ ब॒लम्। ब्र॒ह्म क्ष॑त्रम्। यशो॑ म॒हत्। स॒त्यं  
तपो॑ नाम। रू॒पम॒मृत॑म्। चक्षुः॑ श्रोत्रम्। म॒न आ॑युः। वि॒श्वं यशो॑

म॒हः। स॒मं तपो॒ हरो॒ भाः। जा॒तवे॑दा॒ यदि॑ वा पा॒वको॑ऽसि।  
वै॒श्वान॒रो यदि॑ वा वैद्यु॒तोऽसि॑। शं प्र॒जाभ्यो॒ यज॑मानाय  
लो॒कम्। ऊ॒र्जं पु॒ष्टिं द॑द॒द्भ्याव॑वृ॒थ्स्व॥१७॥

मृ॒त्युर्न॑श्य॒त्वायु॑र्व॒र्धता॒ꣳ स्वाहा॑। जा॒तवे॑द॒से वै॒श्वान॒राय॑ इ॒दं न॑  
मम॥

मृ॒त्युर्न॑श्य॒त्वायु॑र्व॒र्धतां॒ भूः॥१८॥

मृ॒त्युर्न॑श्य॒त्वायु॑र्व॒र्धता॒ꣳ स्वाहा॑। अ॒ग्नय॑ इ॒दं न॑ मम॥

मृ॒त्युर्न॑श्य॒त्वायु॑र्व॒र्धतां॒ भुवः॑॥१९॥

मृ॒त्युर्न॑श्य॒त्वायु॑र्व॒र्धता॒ꣳ स्वाहा॑। वा॒यव॑ इ॒दं न॑ मम॥

मृ॒त्युर्न॑श्य॒त्वायु॑र्व॒र्धता॒ꣳ सु॒वः॑॥२०॥

मृ॒त्युर्न॑श्य॒त्वायु॑र्व॒र्धता॒ꣳ स्वाहा॑। सू॒र्याय॑ इ॒दं न॑ मम॥

मृ॒त्युर्न॑श्य॒त्वायु॑र्व॒र्धतां॒ भूर्भु॒वः सु॒वः॑॥२१॥

मृ॒त्युर्न॑श्य॒त्वायु॑र्व॒र्धता॒ꣳ स्वाहा॑। प्र॒जाप॑तय इ॒दं न॑ मम॥

॥ॐ शान्तिः॒ शान्तिः॒ शान्तिः॑॥



(तैत्तिरीयारण्यकम् - ४/प्रपाठकः - ३/अनुवाकः - १५)

हरि॒ꣳ हर॑न्त॒मनु॑यन्ति दे॒वाः। वि॒श्व॒स्ये॒शानं॑ वृष॒भं मंती॑नाम्।  
ब्र॒ह्म स॒रूप॑म॒नुमे॑दमागात्। अय॑नं॒ मा वि॒व॒धीर्वि॑क्रमस्व। मा  
छि॒दो मृ॒त्यो मा व॑धीः। मा मे॒ बलं॑ वि॒वृ॒हो मा प्र॑मोषीः।  
प्र॒जां मा मे॑ रीरिष॒ आयु॑रुग्र। नृ॒चक्ष॑सं॒ त्वा ह॒विषा॑ विधेम।

स॒द्यश्च॑क॒मा॒नाय॑। प्र॒वे॒पा॒नाय॑ मृ॒त्यवे॑॥१॥

प्रा॒स्मा आ॒शा अ॒शृण्वन्। का॒मे॒ना॒ज॒न॒य॒न्पुनः॑। का॒मे॒न मे॒  
का॒म आ॒गात्। हृ॒द॒या॒द्धृ॒द॒यं मृ॒त्योः। यद॒मी॒षा॒म॒दः प्रि॒यम्।  
तदै॒तूप॒मा॒म॒भि। परं॑ मृ॒त्यो अनु॑ परे॒हि प॒न्था॑म्। यस्ते॒ स्व  
इ॒त॒रो दे॒व॒या॒ना॑त्। चक्षु॑ष्म॒ते शृ॒ण्व॒ते ते॑ ब्रवी॒मि। मा नः॑ प्र॒जा॒  
री॒रि॒षो मो॒त वी॒रान्। प्र पू॒र्व्यं म॒न॒सा व॒न्द॒मानः॑। ना॒ध॒मा॒नो  
वृ॒ष॒भं च॑र॒षणी॑नाम्। यः प्र॒जा॒ना॒मे॒क॒रा॒ण्मा॒नु॒षी॒णाम्। मृ॒त्युं  
य॒जे प्र॒थ॒म॒जा॒मृ॒तस्य॑॥२॥